

見，定爲即今之密遠廢墟，大致可以確定。若樓蘭國都在今何所，今尙無適當遺址可以當之，但決在北道上。又本史記『樓蘭姑師臨鹽澤』一語，決距羅布淖爾古海不遠也。又按水經注敘述河水入羅布淖爾分爲兩道：一爲河南，注引釋氏西域記云：『南河自于闐東於北三千里至鄯善入牢蘭海。』一爲北河，注云：『河水又東逕注賓城南，又東逕樓蘭城南而東注澤。』按南河最後所會之河爲且末河，發源於阿耨達大山，流行於且末城之北。是南河當南道，東流入澤。北河最後之河爲敦薨水，即今焉耆河。發源於焉耆山，流行於焉耆之野，東逕墨山國南爲孔雀河，東流注澤，是北河當北道。河水流行，既分南北兩道，則入海處亦當爲南北兩海口；則其所逕行之城市，亦必在南北兩岸可知。今按水經注以南河流行鄯善之北，則鄯善必在南河之南可知；北河流行於樓蘭城南而東注澤，則樓蘭城在北河之北可知。由此河流之經行可以推知也。密遠既在且末河之南可知；故以密遠當伊循城，與水經注所述實有暗合。援例推之，則樓蘭城當在北河之北，即今庫魯克河之北也，但尙未發現耳。以余考之，古樓蘭之扞泥城必距余於一九三一年所發現之烽燧亭遺址不遠，或在其西，是故有待余第三次之探尋者也。

四、吐谷渾之侵入與隋唐之經營 約當公元四世紀之間，在中國西北部有一突起之民族，先吐番而侵入西域者，曰吐谷渾。後魏神龜元年，宋雲往西域取經，過鄯善，稱其城主爲吐谷渾王第二子，則鄯善此時已爲吐谷渾王所併無疑。又考梁書西戎傳略云：『有吐谷渾者，避弟西徙上隴度枹罕西南至赤水而居之。地在河南，因以爲號。其界東至疊州，西隣于闐，北據高昌，東北通秦嶺，方千餘里，以吐谷渾爲國號。』按鄯善在于闐之東，高昌之南。今稱『北接高昌，西隣于闐』，則鄯善且末已爲吐谷渾王領土可知。又梁書高昌傳亦有『南接河南』之語，河南爲吐谷渾王號，是與西戎傳所述相合，但吐谷渾自何時始侵入鄯善，則史無明文。魏書西域傳于闐條云：『太武時，擊吐谷渾，慕利延驅其部渡流沙，西入于闐，殺其王，死者甚衆。』據魏書世祖紀，爲太平真君六年事；宋書亦有同樣記載。吐谷渾傳略云：『宋元嘉十六年，改封慕利延爲河南王。十九年爲拓跋燾所破，西奔白蘭，因攻破于闐。』宋元嘉十九年，即魏太平真君三年。雖其年號微有差異，然必同記一事。按于闐在鄯善之